

**PROGRAM**  
**javne rasprave o Nacrtu Regulacionog plana prostorne cjeline**  
**ZBR „Stara kasarna – Kampus Univerziteta u Tuzli“**

Javna rasprava o Nacrtu Regulacionog plana prostorne cjeline ZBR „Stara kasarna – Kampus Univerziteta u Tuzli“ (u daljem tekstu: Nacrt Regulacionog plana), provešće se na način utvrđen ovim Programom.

O Nacrtu Regulacionog plana, u skladu sa odredbama člana 46. Zakona o prostornom uređenju i građenju („Službene novine Tuzlanskog kantona“, broj: 06/11, 04/13, 15/13, 02/16 i 4/17), (u daljem tekstu: Zakon), u svojstvu zainteresovanih strana, primjedbe mogu dostaviti:

- vlasnici nekretnina, zakoniti korisnici prostora i sudionici u njegovoj izgradnji i uređivanju,
- organi uprave, upravne organizacije i agencije,
- nosioci javnih ovlaštenja nadležni za vodoprivredu, šumarstvo, poljoprivredu, promet, energetiku, telekomunikacije, turizam, rudarstvo, zdravstvo, zaštitu okoline, sanitarno-zdravstvenu zaštitu, zaštitu na radu, zaštitu od požara, civilnu zaštitu, zaštitu kulturno-historijskih i prirodnih dobara,
- privredna komora,
- predsjednik i članovi Savjeta MZ Brčanska malta
- građani MZ Brčanska malta
- potencijalni investitori i drugi subjekti.

Javna rasprava, odnosno javni uvid, će trajati 30 dana.

Organizacija javne rasprave i javnog uvida te prateća tehnička pitanja su obaveza i odgovornost Nosioca pripreme-Službe za prostorno uređenje i zaštitu okoline Grada Tuzla, Nosioca izrade – UO Zavod za urbanizam Tuzla i Komisije za prostorno uređenje i zaštitu okoline Gradskog vijeća Tuzla.

O mjestu, vremenu i načinu izlaganja nacрта planskog dokumenta na javni uvid, javnost će biti obaviještena oglasom putem JP RTV 7 d.o.o. Tuzla, najmanje tri puta, s tim da se prva obavijest objavljuje 15 dana prije početka javnog uvida, a druge dvije dva dana uzastopno, neposredno pred početak javnog uvida.

O vremenu održavanja skupa sa raspravom o Nacrtu Regulacionog plana, koji će se održati u prostorijama MZ Brčanska malta zainteresovane strane će biti blagovremeno obaviještene putem JP RTV 7 d.o.o. Tuzla, te isticanjem obavijesti na prostorijama MZ Brčanska malta.

Nacrt Regulacionog plana u elektronskoj formi biće postavljen na web stranicu Grada Tuzle [www.tuzla.ba](http://www.tuzla.ba).

Nacrt Regulacionog plana u integralnog formi, biće dostupan za javni uvid u :

- prostorijama Nosioca pripreme (Služba za prostorno uređenje i zaštitu okoline) – zgrada Gradske uprave;
- prostorijama Nosioca izrade (UO Zavod za urbanizam) – zgrada Jupiter;
- prostorijama MZ Brčanska malta.

Skraćena verzija Nacrta Regulacionog plana biće dostavljena pravnim i fizičkim licima koja su dostavila primjedbe i sugestije u postupku izrade Regulacionog plana, u štampanoj formi.

Svoje primjedbe, prijedloge i sugestije, u pismenoj formi sa obrazloženjem, učesnici javne rasprave mogu dostaviti Službi, putem pisarnice Grada Tuzle, administrativna zgrada Grada Tuzle, Ulica ZAVNOBiH-a br. 11, ili na email adresu [franoi@tuzla.ba](mailto:franoi@tuzla.ba).

Po završetku javne rasprave, sumirat će se rezultati, sačiniti Izvještaj o provedenoj javnoj raspravi, što je obaveza Nosioca izrade, nakon čega će se pristupiti izradi prijedloga Regulacionog plana, uzimajući u obzir primjedbe, prijedloge i sugestije koje budu usvojene, te će isti biti upućen gradonačelniku na utvrđivanje i Gradskom vijeću na razmatranje i donošenje.

Ukoliko se zainteresovane strane ni na koji način ne odazovu na javnu raspravu u predviđenom roku, smatrat će se da su saglasni sa datim Nacrtom Regulacionog plana i da ne mogu naknadno postavljati bilo kakve primjedbe i uslove u procesu odobravanja građenja i drugih zahvata u prostoru koji su u skladu sa Regulacionim planom i opštim urbanističkim pravilima.

**OBRADIVAČI**  
**Služba za prostorno uređenje i zaštitu okoline**  
**UO Zavod za urbanizam**